

**Попразднство Рождества Пресвятой Богородицы.**

**Прп. Силуана Афонского.**

Прп. Феодоры Александрийской. Сщмч. Автонома (с 12 сентября).

Перенесение мощей прп. Сергия и Германа, Валаамских чудотворцев (службу зри 28 июня).

**На великой вечерне «Блажен муж» – кафизма вся.**

**На «Господи, воззвах»:**

**Воскресные, глас 7-й – 3,**

**Стихиры праздника, глас 2**

**подобен: «Доме Евфрафов...»:**

**Напева Гефсиманского Скита**

**Излож. Г.Смирнова**

**4. Стих: Да будут уши Твои**

Т.І  
Т.ІІ

внем-лю-ще гла-су мо-ле - ни - я мо - е - го.

Бар.  
Б.

Пла - ка - ла е - си от ду - ши, я - ко без - чад - на ры -

да - ю - ши, от - ро - ча - те же - ла - ю - ши: но ро-ди-ла

е - си От - ро - ча, ро - да все-го по-хва-лу.

## 5) Аще беззакония назриши, Господи, Господи, кто постоит?

Я - ко у Те - бе о - чи - ще - ни - е есть. Рож - де - ни - е чест - но

Де - вы Все - свя - ты - я, Е - я - же ра - ди об - но -

ви - ся мир, пес - нен - ны - ми гла - сы по - чтим.

## 6) Имене ради Твоего потерпех Тя, Господи, потерпе душа моя в слово Твое,

у - по - ва ду - ша - мо - я на Гос - по - да.

Ра - дуй - те - ся, муд - ри - и, про - ро - цы бо - го - гла - го -

ли - ви - и: раж - да - ет - ся бо Де - ва, из Не - я - же

Спа - се - ни - е ми - ра хо - щет ро - ди - ти - ся.

## Стихиры прп. Силуана, глас 5:

**7. Стих:** От стражи утренняя до ночи, от стражи утренняя, // да уповает Израиль на Господа.

**Приидите, людие Бóжии, / с лики святых и Ангел составим духóвное торжество, / в нём бо Церковь земная божественне с Небесней ликовствуёт: / ны́не верный делатель вертограда Приснодевы Богорóдицы / во Иерусалим горний приёмлется / и, я́ко муж желáнный, / у Престо́ла Божия славою и честью венча́ется, / радость спасения нам предвозвещáет, // егда́ горением любв́е его́ // ко Го́споду воспламени́мся.**

**8. Стих:** Яко у Господа милость, и многое у Него избавление, // и Той избавит Израиля от всех беззаконий его.

**Приидите, Матере Божия сподвижницы / и постническаго жития ревнителие, / со пустыннолюбцы Горы Афонския / трапезы божественныя сопричастницы будем. / Ныне Пречистая Мати Божия / Силуана, подвижника нова и предивна, / егоже диавол искаше поглотити, спасла есть, / и Церкви Небесней на радость приведе, / и, яко фимиам благовонный, / молитвенника тепла за нас у Престола Божия постави, // венцем лепоты неувядаемая увенчана.**

**9. Стих:** Хвалите Господа вси языцы, // похвалите Его вси людие.

**Приидите, монашескаго подвига щедролубцы, / востаните, уневестившиися Христу, / да Силуана богомудреннаго, / подвигом равноангельским украшена, узрим, / и сему, козни вражия победившему, радующеся, возопиим: / радуйся, родителей благочестивых плод целомудренныя чистоты; / радуйся, облагодатствованный щедротами божественныя доброты; / радуйся, веры чистыя и незлобия дивное воплоще-**

ние; // радуйся, постом и молитвою стяжавый Христово все-  
прощение.

**10. Стих:** Яко утвердися милость Его на нас, // и истина Гос-  
подня пребывает во век.

**О** преблаженне отче Силуане, / Небеснаго Утешителя дори-  
носителю предивный / и пламене любви Божия сосуде неис-  
тощимый, / тебе, припадающе, вопием: / Егоже всем сердцем  
возлюбил еси, / Егоже ради в Горе Афонстей молитвою  
слезною за мир сраспинался еси, / не престай и ныне умо-  
ляти / Церкви Святей от зол избавление даровати, / людям  
же, греховными соблазны обуреваемым, // мир и велию ми-  
лость.

«Слава» – прп. Силуана, глас 6:

**В**еселися и радуйся, Горо Святая, / Вратарницы Небесныя  
омофором присно украшаемая, / Церковь Российская,  
взыграй, ликовствующи. / Ныне христолюбивии людие, / от  
восток солнца до запад, / вечери Агнца Божия приуготов-  
ляются, / Силуана богомудреннаго доброты порфирию  
украшаются. / С нимиже и мы, сему братолюбия учителю, /  
память празднующе, сладце вопиём: / радуйся, севера бла-  
годатное сияние, / в вертограде Афонстем Святыя Руси  
светлое отражение; / радуйся, Ангеле молитвы слезныя, /  
Богу приносимыя о всей вселенней; // моли о нас Господа,  
братолюбием оскудевающих.

«И ныне» – Догматик, гласа.

**Вход. Прокимен дня.**

**Паримии преподобного – 3.**

## На Литии:

**Стихиры праздника, глас 1, подобен:** «Небесных чинов...»:

**От** Анны днесь цвет,/ сад богоданный,/ Богородица прозябе,/ спасение человеков,/ из Неяже всех Зиждитель рождья паче ума,// Адамову очищает, яко Благ, всю скверну благостию.

**К**то довольно по достоинству пети возможет/ от Анны неизреченно младенствующую Деву?/ Горы убо и холми, сладость искапайте днесь:/ всех бо жизнь и очищение/ млеко питается,// Богородица Чистая.

**Прежде** безчадная неплоды/ раждает всех жизнь, едину Богородицу;/ веселия исполняется/ и радуется земное естество ныне человеческое,/ славяще истинную Родительницу// Избавителя Иисуса, Единого Господа.

### Стихиры прп. Силуана, глас 2:

**С**ветом не вечерним Святыя Троицы просвещен,/ ношь житейскую без претыкания прешел еси,/ богомудре Силуане,/ видении божественными возвышался,/ во дворех Бога Вышняго вселился еси./ Темже и нас наследники Того соделаи,// святую твою память почитающих.

**З**емная вся оставив,/ богатство и славу яко прах вменив,/ Гору Святую слезами твоими оросил еси/ и, невозвратным желанием Единому Богу приближаяся,/ Сему ангельски послужил еси./ Егоже моли, преподобне,// в книзе жизни написатися почитающим тя.

**Н**е престай моляся, отче Силуане,/ о неключимых рабех твоих,/ ихже богомудренным твоим житием просветивый,/ Богу приразил еси,// да вси честное преставление твое светло почитаем.

**«Слава» – Глас 6:**

**Приидите, вси Христу любовию ўтренююще,/ да радости подвижника предивнаго причастницы бۇдем:/ ныне Ангели на Небесех/ и человецы на земли радуются,/ се бо Пречистая Мати/ от юдоли греховныя, яко овча обретенное,/ Силуана, смирением украшена,/ во двор овец Христо́вых приведе́,/ величие его подвига веры, яко жертву непорочную,/ во Святая Святы́х вознесе́,/ да видяще, како любит Господь верных Своих, // и мы Царствию Христо́ву приобщимся.**

**«И ныне» – Праздника, глас 4:**

**В благознаменитый день праздника нашего/ вострубим духовною цевницею:/ Яже бо от семени Давидова,/ днесь рождается Мати Живота, тьму разрешающи,/ Адамово обновление, и Евино воззвание,/ и нетления источник, тли пременение,/ Еяже ради мы обожихомся/ и от смерти избавлены быхом,/ и возопиим Той с Гавриилом, вернии:/ радуйся, Благодатная, Господь с Тобою, // Тебе ради даруя нам велию милость.**

## НА СТИХОВНЕ

**Стихиры воскресные, гласа.**

**«Слава» – прп. Силуана, глас 2:**

**О** всеблаженне отче Силуáne,/ богатства некрадомаго стяжателью премудрый,/ молитву яко хлеб, слезы яко елей временья/ и, якоже Павел богомудрый,/ о Кресте Господнем радуясь,/ Солнцу Правды горением любви утреневал еси:// стяжанию Духа Святаго нас научаеши прилѣжно.

**«И ныне» – Праздника, глас 4:**

**Неплоды** безчадная Анна/ днесь руками да восплещет свѣтло/ да светлоносят земная, царие да играют,/ святителие во благословении да веселятся,/ да празднует весь мир:// се бо Царица и непорочная Невеста Отча/ от корене Иессеева прозябе./ Ктому жены в печалех не родят чад:// Радость бо процвете, и Живот всем человеком в мире жительствует./ И ктому дары Иоакимовы не возвращаются,/ рыдание бо Анны в радость преложися:// срадуйтеся мне, глаголющи, весь избранный Израиль,/ се бо даде ми Господь одушевленную палату/ Божественныя славы Его,/ во общее веселие и радость// и спасение душ наших.

**По Трисвятом – «Богородице Дево...». Дважды.**

**И Тропарь Рождества Богородицы, глас 4:**

**Рождество** Твое, Богородице Дѣво,/ радость возвести всей вселенней:// из Тебе бо возсия Солнце Правды, Христос Бог наш,/ и, разрушив клятву, даде благословение,// и, упразднив смерть, дарова нам живот вечный.

## НА УТРЕНЕ НА «БОГ ГОСПОДЬ»

**Тропарь воскресный, глас 7-й. Дважды.**

**Тропарь прп. Силуана Афонского, глас 2:**

**Серафимския любве ко Господу пламенный ревнителью/ и Иеремии, о народе плачущему, усердный подражателю,/ всеблаженне отче Силуане,/ ты бо, зову Матере Господа Сил внемляй,/ змия греховнаго мужемудренно изрыгнул еси/ и в Гору Афонскую от суеты мира удалился еси,/ идеже в трудех и молитвах со слезами/ благодать Святаго Духа обильно стяжав,/ еюже сердца наша воспламени/ и с тобою умильно взывати укрепил:/ Господи мой, Жизне моя и Радосте Святая, // спаси мир и нас от всяких лютых.**

**«И ныне» – Тропарь Рождества Богородицы, глас 4:**

**Рождество Твое, Богородице Дево,/ радость возвести всей вселенней:/ из Тебе бо возсия Солнце Правды, Христос Бог наш,/ и, разрушив клятву, даде благословение, // и, упразднив смерть, дарова нам живот вечный.**

**Полиелей.**

**Величание прп. Силуана Афонского:**

**Ублажаем тя,/ преподобне отче Силуане,/ и чтем святую память твою,/ наставниче монахов, // и собеседниче Ангелов.**

**Избранный псалом:**

**Терпя потерпех Господа, и внят ми, и услыша молитву мою:/ Постави на камени нозе мои, и исправи стопы моя./ Се удалихся бегая, и водворихся в пустыни./ Уподобихся неясоти пустынной./ Бдех, и бых яко птица особящаяся на зде./ Колена моя изнемогоста от поста:/ И плоть моя изменися ела**



ради./ **С**лезами моими постелю мою омочу./ **Я**ко обыдоша мя пси мнози, сонм лукавых одержаша мя./ **Н**апрягоша лук свой вещь горьку:/ **С**остреляти в тайных непорочнаго./ **П**редзрех Господа предо мною выну, яко одесную мене есть, да не подвижуся./ **В**си языцы обыдоша мя, и Именем Господним противляхся им./ **Б**лагословен Господь, Иже не даде нас в ловитву зубом их:/ **Д**а исповедятся Тебе, Господи, вся дела Твоя:/ **И** преподобнии Твои да благословят Тя./ **И** уведите, яко удиви Господь преподобнаго Своего./ **И** утрудися во век, и жив будет до конца./ **Х**ранит Господь души преподобных Своих./ **В**осхвалятся преподобнии во славе, и возрадуются на ложах своих./ **Ч**естна пред Господем смерть преподобных Его.// **П**ойте Господеви преподобнии Его, и исповедайте память святыни Его, во всех людех чудеса Его.

«Ангельский собор...».

**Степенны и прокимен – гласа.**

**Ирмосы гласа.**

**Катавасия Крестовоздвижения, глас 8-й:**

**Катавасия 1:** Крест начертáв Моисей/ впрямо жезлом чермно́е пресечé,/ Израилю пешеходя́щу,/ тоже обратно фараоновым колесница́м/ удáрив совóкупí,/ вопреки написав непобедимое ору́жие.// Тем Христу поим Богу нашему, я́ко просла́вился.

**Катавасия 3:** Жезл во образ та́йны приёмлется,/ прозябением бо предразсужда́ет священника́:/ неплодящей же прéжде це́ркви,/ ныне процвете дре́во Креста́,// в держа́ву и утвержде́ние.

**Катавасия 4:** Услы́шах, Го́споди,/ смотрения Твоего та́инство,/ разумéх дела́ Твоя́,// и просла́вих Твоё Божество́.

**Катавасия 5:** О треблаженное древо,/ на немже распяся Христос, Царь и Господь:/ имже паде, древом прельстивый,/ тобою прельстився,/ Богу пригвоздившуся плотию, // подающему мир душам нашим.

**Катавасия 6:** Воднаго зверя во утробе,/ длани Иона крестовидно распростер,/ спасительную страсть проображаше яве./ Тем три-дневен изшед,/ премирное Воскресение прописаше,/ плотию пригвожденного Христа Бога, // и тридневным воскресением мир просвещашаго.

**Катавасия 7:** Безумное веление/ мучителя злочестиваго люди поколебá,/ дышущее прещение и злохуление богомерзкое,/ обаче три отроки не устраши ярость зверская,/ ни огонь снедаяй,/ но противодышущу росоносному Духу,/ со огнем суще пояху:// препетый отцев и нас Боже благословен Еси.

**Катавасия 8:** Благословите отроцы,/ Троицы равночисленний,/ содетеля Отца, Бога,/ пойте снишедшее Слово,/ и огонь в росу претворшее,/ и превозносите всем жизнь подающаго, // Духа Всесвятаго, во веки.

**Катавасия 9:** Таин еси Богородице рай,/ невозделанно возрас-тивший Христа:/ Имже крестное живоносное на земли насадися древо./ Тем ныне возносиму, // поклоняющеся Ему, Тя величаем.

**На 9-й песни поем «Честнейшую».**

**По 9-й песни – «Свят Господь Бог наш».**

## НА ХВАЛИТЕХ СТИХИРЫ:

Воскресные, глас 7-й – 4,

Стихиры прп. Силуана, глас 4,  
подобен: «Дал еси знамение...»:

Напева Оптиной Пустыни  
Излож. Г.Смирнова

### 5. Стих: Хвалите Его в тимпане и лице

Т. I  
Т. II

хва - ли - те Е - го во стру - нах и ор - га - не.

Бар. Б.

Люб - ве Божия пламен - ный ра - чи - те - лю

и Духа Святаго усердней-ший стя - жа - те - лю, пре - по -

доб - не от - че Си - лу - а - не, Е - го же ветрилы стра - ти

ду - шев - ны - я в серд - цы твоём, яко на мельни - це, ис -

терл е-си, и си - це хлеб ан - гель-ский вку-сив,

тем - же, икономе добрей - ший, пи - та - е - ши и нас,

да при - част - ни - цы жиз - ни веч - ны - я бу - дем.

6 Хвалите Его в кимвалех доброгласных, хвалите Его в кимвалех восклицая.

Вся-ко-е ды-ха-ни-е да хва - лит Гос - по - да.

Кла-дязь но - вый, во-ды жи-вы - я пре-ис-пол -

нен-ный, в Го-ре А-фон-стей ис-то-чи - ся, сле - зы мо -

лит - вы тво-ей, пре-по-доб-не Си - лу - а - не,

их - же, яко миро нарда чис - та мно - го - цен - на,

у ног Господа нашего ис - то - чал е - си, мертвым,

живым и грядущим уми - лос - тив - ле - ни - я про - ся.

Се - я мо - литвы не лиши и нас, пре - по - доб - не,

в мо - ри житейдем грехми о - бу - ре - ва - - - е - мых.

⑦ Честна пред Господем

смерть пре - по - доб - ных Е - го.

Об - раз смирения Христова и люб - ве Е - го

жи - тием твоим показал еси, пре - по - доб - - не,

слез - но взы - ва - я: бра - тие, любите вра - ги ва -

ша, си - и бо суть бра - ти - я ва - ша, враг же наш ди -

а - вол есть, си - це бо средостение греха раз - ру - ша - ет -

ся, и злоухищрения диавола по - беж - да - ют - ся,

и мир Бо - жий в че-ло-ве-цах во-дво-ря - ет-ся, творящий

же сия не подвигатся в прав-де Бо - жи - ей во ве - ки.

8) Блажен муж, бояйся Господа,

в запо-ве-дех Е - го вос-хо - - - шет зе - ло.

Све - щу, мрак греховный про - све - ща - ю - щу - ю,

по - каза тя Господь, боголюбиве Си - лу - а - - - не,

да к те-бе, че-ло-ве-ко-лю-би-ем и-зо-би - лу-ю-щу,

за томящихся во аде страда - ти же - ла - ю - шу,

в на - деж - ди спа - се - ни - я при - па - да - ю - ще, во - пи - ем:

слез твоих теченьми очисти прегре - ше - ни - я на - ша

и ис - це - ли ду - ши на - ша,

да не лишени будем люб - ве Хри - сто - вы,

ег - да я - вит - ся в День Суд - ный.



## НА ХВАЛИТЕХ СТИХИРЫ:

Воскресные, глас 7-й – 4,

Стихиры прп. Силуана, глас 4,  
подобен: «Дал еси знамение...»:

**5. Стих:** Хвалите Его в тимпане и лице, / хвалите Его во струнах и органе.

**Любве** Божия пламенный рачителю / и Духа Святаго усерднейший стяжателю, / преподобне отче Силуане, / Егоже ветрилы / страсти душевныя в сердца твоем, / яко на мельнице, истерл еси, / и сице хлеб ангельский вкусив, / темже, икономе добрейший, питаеши и нас, // да причастницы жизни вечныя будем.

**6. Стих:** Хвалите Его в кимвалех доброгласных, хвалите Его в кимвалех восклицания. / Всякое дыхание да хвалит Господа.

**Кладязь** новый, / воды живыя преисполненный, / в Горе Афонстей источися, / слезы молитвы твоей, преподобне Силуане, / ихже, яко миро нарда чиста многоценна, / у ног Господа нашего источал еси, / мертвым, живым и грядущим умилоствления прося. / Сея молитвы не лиши и нас, преподобне, // в мори житейстем грехми обуреваемых.

**7. Стих:** Честна пред Господем / смерть преподобных Его.

**Образ** смирения Христова и любве Его / житием твоим показал еси, преподобне, / слезно взывая: / братие,

любите враги ваша,/ сии бо суть братия ваша,/ враг же наш диавол есть,/ сице бо средостение греха разрушается, и злоухищрения диавола побеждаются,/ и мир Божий в человецех водворяется,// творящие же сия не подвижатся в правде Божией во веки.

**8. Стих:** Блажен муж, бояйся Господа,/ в заповедех Его восхощет зело.

Свещу, мрак греховный просвещающую,/ показа тя Господь, боголюбиве Силуане,/ да к тебе, человеколюбием изобилующу,/ за томящихся во аде страдати желающую,/ в надежди спасения припадающе, вопием:/ слез твоих теченьми очисти прегрешения наша/ и исцели души наша,/ да не лишени будем любви Христовы,// егда явится в День Судный.

«Слава» – стихира евангельская 5-я, «И ныне» – «Преблагословенна еси...».

**Великое славословие. По Трисвятом – тропарь воскресный:** «Днесь спасение...».

**На 1-м часе Кондак Рождества Богородицы, глас 4:**

Иоаким и Анна поношения безчадства/ и Адам и Ева от тли смертныя свободистася, Пречистая,/ во святем рождестве Твоем./ То празднуют и людие Твои,/ вины прегрешений избавльшеся,/ внегда звати Ти:// неплоды раждает Богородицу и Питательницу Жизни нашея.

## НА ЛИТУРГИИ

**Во Царствии Твоем помяни нас, Господи, егда приидеши, во Царствии Твоем.**

**На 12:** Блажени нищии духом, яко тех есть Царство Небесное.

### Воскресные, гласа.

**Тропарь гласа:**

**Блажени плачущии, яко тии утешатся. Тропарь гласа:**

**На 10:** Блажени кротции, яко тии наследят землю. **Тропарь гласа:**

**Блажени алчущии и жаждущии правды, яко тии насытятся. Тропарь гласа:**

**На 8:** Блажени милостивии, яко тии помиловани будут.

### Праздника, глас 2:

**Тропарь:** Твое в вещественных явлениях/ законоположник возбранися разумети/ и великое, Пречистая, таинство,/ не мудрствовать земноревностная образно наказуемь иногда./ Темже, удивлься чудеси, глаголаше:// благословен Бог отец наших.

**Блажени чистии сердцем, яко тии Бога узрят.**

**Тропарь:** Гору и дверь Небесную и мысленную Тя лествицу/ боголепно лик божественный пронарекче,/ от Тебе бо Камень отсецеса не руками мужескими,// и дверь, Еюже пройдет Господь, Иже чудес Бог отец наших.

**На 6:** Блажени миротворцы, яко тии сынове Божии нарекутся.

**Тропарь:** Яже к Богу нашего примирения предопределенная скиния/ еже быти ныне начинает,/ имущи родити Слова, нам дебельством Плоти явльшася,/ Егоже поем, из не сущих во еже быти Тем приемшии, // и превозносим во вся веки.

**Блажени изгнани правды ради, яко тех есть Царство Небесное.**

**Богородичен:** Непогодства предложение мирское благих разреши непогодство/ и ясно чудо Христа показа, к земным пришедша,/ Егоже поем, из не сущих во еже быти Тем приемшии, // и превозносим во вся веки.

**На 4:** Блажени есте, егда поносят вам, и изженут, и рекут всяк зол глагол на вы, лжуще Мене ради.

**Прп. Силуана, глас 6:**

**Тропарь:** Святителие и священницы, иноцы и вси людие,/ радующесе, вкупе прославите Бога и Пречистую Матерь Его,/ кадило новое, молитву чистую Силуана, пламенем Духа Святаго горяща, // у Престола Небеснаго за нас приявших.

Радуйтеся и веселитесе, яко мзда ваша многа на Небесех.

**Тропарь:** Возвеселися, Горо Афонская, со пустыннолюбцы твоими/ и во псалмех и пениих и песнех духовных воскликни Богу:/ да угоден будет пред Лицем Твоим верный слуга Твой, // егоже молитвами благодать новая Церкви Святей даровася.

**Слава Отцу и Сыну и Святому Духу.**

**Тропарь:** Боже, кто уподобится Тебе?/ Ты Един Вышний по всей земли./ Мы же, равноангельному смирению раба Твоего внемлюще, // образу и подобию Твоему Духом Святым чаем обновитися.

**И ныне и присно и во веки веков. Аминь.**

**Богородичен:** Не скрью глубины Твоих щедрот, и тока безмерных чудес,/ и источника приснотекущаго воистину еже ко мне милости Твоея, Богородице:// но всем исповедую, и вопию, и вещаю.

**На входе:** «...Воскресый из мертвых...».

## **ПО ВХОДЕ**

**В храме Господском и Богородицы:**

**Тропарь воскресный.**

**Тропарь Рождества Богородицы, глас 4:**

**Рождество Твое, Богородице Дево,/ радость возвести всей вселенней:/ из Тебе бо возсия Солнце Правды, Христос Бог наш,/ и, разрушив клятву, даде благословение,// и, упразднив смерть, дарова нам живот вечный.**

**Тропарь прп. Силуана Афонского, глас 2:**

**Серафимския любве ко Господу пламенный ревнителью/ и Иеремии, о народе плачущему, усердный подражателю,/ всеблаженне отче Силуане,/ ты бо, зову Матере Господа Сил внёмляй,/ змия греховнаго мужемудренно изрыгнул еси/ и в Гору Афонскую от суеты мира удалился еси,/ идеже в трудех и молитвах со слезами/ благодать Святаго Духа обильно стяжав,/ еюже сердца наша воспламени/ и с тобою умильно взывати укрепил:/ Господи мой, Жизне моя и Радосте Святая,// спаси мир и нас от всяких лютых.**

**Кондак воскресный.**

**«Слава» – Кондак прп. Силуана Афонского, глас 2:**

**Смиреномудрия исповедниче предивный/ и человеколюбия Духом Святым согреваемая доброто,/ Богу возлюбленне Силуане,/ о подвиге твоём Церковь Российская радуется,/ иноцы же Горы Афонския и вси христианстии людие,/ веселящися, сыновнею любовью к Богу устремляются./ Егже моли о нас, равноангельне боговэдче, // во еже спастися нам, в горении любви тебе подражающим.**

**«И ныне» – Кондак Рождества Богородицы, глас 4:**

**Иоаким и Анна поношения безчадства/ и Адам и Ева от тли смертныя свободистася, Пречистая,/ во святем рождестве Твоём./ То празднуют и людие Твои,/ вины прегрешений избавльшися,/ вегда звати Ти:// неплоды раждает Богородицу и Питательницу Жизни нашея.**

**В храме святого – тропарь воскресный, тропарь праздника, тропарь храма, тропарь преподобного; кондак воскресный, кондак храма.  
«Слава» – кондак преподобного, «И ныне» – кондак праздника.**

**Прокимен**

**– Недели пред Воздвижением, глас 6-й: «Спаси, Господи, люди Твоя...», стих: «К Тебе, Господи, воззову...»;**

**и преподобного, глас 7-й: «Честна пред Господем...».**

**Задостойник праздника.**

**Причастен – воскресный: «Хвалите Господа с Небес...»,**

**и преподобного: «В память вечную...».**